



ВЛКСМ МАРОБКОМЫН ОРГАНЖЭ

№ 25 (461)

1937 ий 23 май, рушарньа

№ 25 (461)

ШКОЛЛАШТЭ ИСПЫТАНЬЭ ТҮНГАЛЫН

ПЭРВОЙ КЭЧЭ—КУАНЫМАШ КЭЧЭ

Эр годсэк рвэзэ-влак школ йыр коштыт. Модыт, воштылыт, мурат. Мутат укэ, нуно тачэ куананыт! Ийдалыкаш тунэмме пашам иктэш чумырэн, тудым вуйэш пэнгыдөмдөн кодаш—изи паша огыл. Тидлан рвэзэ-влак йамдылалтын.

Тачэ испытаньэ...

Звонок. Сылнэ урэм гыч рвэзэ-влак чыланат классыш куржын пурат.

7-шэ класс дән 5 классын „А“ группыж руш йылме дән письмөннэ пашам ыштат.

5-шэ классын „Б“ группыжо географий дән устно сдйаш тунальэ. Карт, компас, барометр—мо күлэш чыла йамдэ. Вот тэвэ туныктышат пура. Тудо пэрвойак Крашенинкова Тамарам карт дэк үжэш, йодыш-влакым пуэда:

—Компас кузэ ышталтын?

Тамара рын шогалын компасын кузэ ышталтымжым, молан күлэшжым раш каласа. Вэс йодыш:

—Иэвропышто, Азийышто, Африкышто могай могай кугу энэр-влак (река) улыт?

Тамара Иэвропо гыч тунгалын чумыр мландэ шарыштэ могай гына шолдыраак энэр-влак улыт, нунын могай пайда кондымыштым сайынак каласэн пуа. Туныктышын ик йодышжланат Тамара брын, вуй-

ым сакэн ыш шого. Тамара испытаньым сайын тунгальэ. Пэрвой прэдмэт гычак отличнэ отмэткым нальэ. Тамара ончышат сайын тунэмэш ыльэ, а испытаньыштэ тудо поснак сай тунгалтышым ончыктыш. Чыла прэдмэт дэнат отличным налын, кидэшжэ похвальнэ грамотам, кучэн кыдалаш школышко кайаш,—вот Крашенинкова Тамаран пионьэр мутшо.

Тамара почэш Угольников Миша, Ивбагина туныктышо йодмылан сайын каласышт. Нуно коктынат „сай“ отмэткым налыч.

Бабин Володья сайын тунгальэ, но начаррак кошартын. Йужо йодышлан тичмаш вашмутым пуэн ыш сэнэ. Но тугэ гынат, Володья начар отмэткым ыш нал.

Испытаньэ тунгальэ. Рвэзэ-влак, тэндан коклаштэ йужыда кызытат, испытаньэ тунгалмекэ улшо ситыдымашым тбрлаташ ок лий манын понат дыр. Тидэ йонгылыш. Испытаньэ тунгалын вэлэ. Шуко вэрэ альэ ик-кок прэдмэт дән гына сдйаныт. Вот нинэ прэдмэтым сдйымэ годым могай ситыдымаш лийын, тидым ушыш пыштымэк моло прэдмэтым сайын сдйаш тыршыман. Г. Иэфрэмов.

Мэдвэдэво ПКШ.
(Йошкар-Ола район).



Йошкар-Оласэ 1-ой №-ан тунгалтыш школын IV-шэ „А“ классыштэ тунэмшэ-влак руш йылме дәнэ письмөннэ испытаньэ годым.
Фото М. Рыбаковын.

ИСПЫТАНЬЭ КЭЧЭ

Йыр-ваш сылнэ, пашак сайэ:
Кенгэж кэчэ ойарэн
Иандарештын йыр каважэ,
Ломбат үшшыжым шарэн.

Пеш моторын шургым мушкын
Лэвэ йур дән у пүртүс,
Ужар шудо шога кушкын
Авал налын ужар түс.

Садын лэктыч йоча-шамыч,
Испытаньым эртарэн.
—Тый отмэткым кузэ налыч!
Тэргат ваш-ваш йывыртэн.

А Йени гыч, ойка шыррыжэ:
—Мый отличным налынам!
Изи Виктыр пеш куаныш:
—Почот грамотан лийам!
Чылан ойлышт йывырталын
Сай отмэткым шук(о) налэш,
Балалайкым Вэрүк налын
Шэргылтамыш сад коелаш.
Кумыл нблтб адак утыр
Чон тарваным курштымэш;
Момышт тэвэ шэргылтат йыр
Пийал мурым кумдыкэш!
Антонов Ивук.

Мэмнан вэрч тыршышэ Сталин йолташлан кугу тау

Мэмнан ача-авана йэнг кидйымалнэ пызырналг, орланэн илэныт. Нунылан тунэмашат эрык лийын огыл. Совет власть лиймэ дәнэ гына, шэмэр калыккан эрык пуалтэ. Марий калыкат моло калык дәнэ тбр праван лийэ, тунэмашат эрык пуалтэ. Мэмнан йбратымэ Сталин йолташнамыланна тунэмаш чыла йбвымат ыштэн.

Тэвэ мый ышкэнан шочмо элнан—Марий Автоном Республикын Конституцыжым лудын лэктымат 88-шэ статьяжлан кумылэм моткоч нблталтэ, адакат утларак тунэмаш тыршаш тунгалым.

Тэвэ мыйын III-шэ чыры-

кыштэ 11 сай отмэткэ, 4 по-средствөннэ отмэткэм ыльэ. Шушаш идалыкаш испытаньыштэ чыла прэдмэт дэнат отличнэ да сай отмэткым налаш тыршэм. Тидэ мутым шукташ испытаньэлан вийан йамдылалтам.

Шуко шинчымашым налашлан школышто тунэмме вэлэ ок ситэ, газэтымат эрэ лудын шогаш күлэш. Сандэнэ „Иамдэ лий“, „Ленин ой“ „Рвэзэ коммунист“ газэт-влакым эрэ лудын шогэм, тыгак нунын йункорышт улам.

Азманов Эчу.

Шэргур район, Кой-Сола ПБШ, VII-шэ класс



Красногорский пэле кыдалаш школышто тунэмшэ-влак пэрэмэн годым
Фото Чуршуковын.

Оборонно значок вэрч кучэдалшэ-влак ойлат

Кум оборонно значок вэрч!

Мыйын кызыт кок значок вэлэ. Тидэ значок-влаклан нормым Йошкар-ола район лагэрэш пуышым. Нормо пуымаштэ эн нэлылан мый кукшыт дэн кужытыш тёрштымашым, иймашым, гранат дэн диском кудалтымашым шотлышым. Нины дэнэ нормым пуаш мланем нэлэ ыльэ, сандэнэ шуко тренировкым ышташ вэрэштэ. А молыж дэнэ, нормо пуымаш куштылгын эртыш. Но мый тидэ кок значокан лиймэм ситышылан шотлэм мо? Укэ, Октябрь революцылан XX ий тэмме вэшэм мыйын нылыт огыл гын, кум значокэм лийэш. Кэнтэж каникул жапыштэ нуныланат нормым пуэн пытараш шонэм, тидлан мыйын вийэм сита.

Булыгин Юрий.

Корбаково ПКШ, 6-шо „Б“ клас.



Й. Булыгин.

Эл аралаш йамдылалтына

Мый Йошкар-Оласэ 5-шэ № ан пэлэ кыдалаш школын 6-шо „Б“ классыштыжэ тунэмам. Кодшо ий мый „Таир“ лагэрыштэ лийым. Тыштэ ик тылзэ канымэ жапыштэ БГТО, БГСО, ЮВС значок-влаклан нормым пуэн шуктышым. Кызыт ГСО значоклан чыла нормым пуэн пытарэнам, тидэ значокэмат вэшкэ лийэш. А кэнтэж каникул жапыштэ ПВХО значоклан чыла нормым пуэн пытарэн, тудым Октябрь революцылан XX ий тэмме вэшэм налашак шонэм.

Рвэзэ-влак: молан вара мэнинэ значок-влак вэрч кучэдалына?

Кызыт мэмнан элнам йырмогырымат капиталист кугыжаныш-влак авурэн шогат. Кочмо шотыштат кушкын, вийагын толшо мэмнан элнам нунын ужмышт ок шу. Нуно мэмнам сэнгэн, властым шкэ кидышкышт налын, мэмнан пийалан ылышнам пытарынэгит. Укэ, тыгай шонымыштым мэнунылан шукташ огына пу. А тидланжэ мланна аралалташ йамдэ лийашна күлэш. Мутлан мэмнан БГТО значокна улогын, тудо мэмнан пашаланат,



Л. Муравйов.

аралалташат йамдэ улмынам ончыкта, ЮВС значокна улогын, мэ тушманым туран лүйэн моштэна, а БГСО значокнажэ санитар пашалан да, иктаж, могай энгэкыш логалмэ дэн аралалт мошташ йамдэ улмынам ончыкта. Тыгай йамдэ улмылыкна мэмнан коч куштат, коч кунамат күлэш, сандэнэ нинэ значок-влак вэрч кучэдалына. Муравйов Л.

Кө ончыл вэрым налэш?

12-шо май гычын ворошилова лүйышб йоча - влак „Пионерская правда“ газетлан 10 ий тэмме дүмэш заочно лүйкалымаштэ пэрвой вэрым налшаш вэрч кучэдалаш тунгалыч. Тышкэ Совет Ушемн 140 оласэ пионьэр организацияжэ ушнэн. 1935 ийыштэ гын улыжат 120 рвэзэ гына ушнэн ыльэ, а тений—1400 рвэзэ. Чыла олаштат заочно сөрэв-

нованьэ пытымбгтб, нунын мишэнышт Москошко колталтэш. Тунам судэйский коллэгий, могай оласэ пионьэр организацин могай вэрым налмыжым увэртара.

Кызыт шуко олалаштэ сай лүйышб рвэзэ-влак лэктынак шогат. Тэвэ Харьков ола гыч Слободкин дэн Загорский 50 очком налшаш гыч 50 очкомак лүйэн налыныт. Р.Ш.

Мыйын эн чот лүдмө кэчэм

(Тошто школышто тунэмшэ Иванов Пэтрын шарнымыжэ, кызыт тудо колхоз бригадир)

— Тачэ батышка толэш!—ик рвэзэ тыгэ кычкырэн классыш куржын пурыш.

Рвэзэ-влак чылан гайак вуйым сакышт. Мыйат шэнгал партыштэ шинчэм. Батышка (поп) манмым колбымат, шүмэм тулда йулаш тунгалыч. Пэш чот лүдым. Поп шуко кана мыйн чоныш витарэн: кырэн, урок дэч вара кодэн, пу комыла умбалнэ шинчыктэн. Кузэ ушыжо ситэн—түгэ мыйым кучылтын. Молан маныда гын, пашажэ тыгай ыльэ: Мый моло рвэзэ-влак дэч кугурак ылым, мбнгыштэ ачамат укэ, авамат чэрлырак. Садлан чыла паша мыланем логалэш ыльэ. Кнага дэн шинчаш жап укэ. Кнаган пайдажым авамат умлыдэ

мыйым вурса ыльэ. Тыгай нэлэ жапыштэ улмэм дэнэ чыла урокым йамдылэн ом шуктат туныктышо вурса, мыс-кыла. Туныктышыжым эшэ чыташ лийэш ыльэ, но поп тольо гын, вара тунэмаш чыла кумыл пыта.

Мушкыржым ончык кадыртэн поп классыш пурэн шинчэ. Сбсна гай дчышб шүргб-вылшыжым мыйын вэс савырыш, орадэ шинчаж дэн кэрын ончалы (тудо пэш йушб ыльэ).

— Иванов, встань!—пэнгыз шындыш. Мый шогалым.

— Парымэтым тұлб, луд молитватым!

Молитвам йбратэнжат омул, но адакшым йамдылэнжат толалаш шуын омул.

— Огым—маньым мый.
— Кузэ огыт!—үстэмбалым мушкындыш поп. Мокмыран шинчажэ пырысла йулаш тунгалыч.

— Ом мошто—чытырэнрак каласышым.

Поп орыш.

— От мошто! Так.. Ёдыр налаш йбренат—от мошто! Хы!..—Тыгэ тужын коштат „тол мый дэкэм, лэк, туныктэм!“ кычкыралы. Мый лэктым. Тудо мыйым ончыланжэ шогалтышат адак йодо:

— От мошто?

— Ом мошто.

— Хы!.. Сукалте ончыкэм!

Мый сукалтышым. Тудо мыйн кнагам куварыш шуыш.

— Куварысэ кнагатым шупшал!

Мый ыжым тарванэ. Тудо сырыш. Мушкындыж дэн вуйэм пэрыш. Мый тугак ышым сукалте. Тудо эшэ чот орыш. Упэм чывыштад кучышат

„шорт“ шупшылын вожшыгэ кұрын лукто. Ибсб гынат, чытышым.

Тудо кэчэ 2 шагат чоло пу комла умбалнэ комака лукым ончэн шинчышым.

Тулэч вара школ дэч шүмэм йушкыш. Тунэммам пэш шуэш ыльэ, но тошто школын кочо лавражэ вэрчын тунэмаш корно пэтыралтэ. Тунам мэмнан самырык айык ушнам „йу-мын“ законжо дэн агырттарышт. Мыйын моло йолташэм тунгалтыш школым тунэм пытарышт гынат, кугурак школыш кайэн ышт кэрт. Тунам ачатын күйсэнжэ чока гын вэлэ кайэт ыльэ. Кэч куш кайэ—эрэ вэйткэ, окса күлэш. Мэмнан тидыжэ лийын огыл. Шкэжат шужэн колыммо дэч гына идалтын.

Кызыт мэмнан шочшына-влак, тэ, тошто кочым палыдэ сылнэ ылышыштэ кушкыда. Кызыт тунэмаш корно пэш кумда да чаплэ. Г. Йэфруш.

Самырык натуралист-влак мом ыштат?

Республикысе йоча-тэхник йал озанлык станцын шкөн-жын сатше уло. Самырык натуралист кружокышто погышо тунэмшэ-влак кажне кэчын тиде сатышке коштыт, шке сатыштым эскеренак шогат. Шо-шо жапыште, сат-влак ужар-гаш тунгалмэ дэч ончыч олма пу ден вишнын куешо уешла-жым пучкэдэныт, тугак нунун вондыштым металический щот-ко денэ эрыктэныт.

Самырык натуралист-влак „Таир“ лагерлан шке сатешышт 50 банкэ сай паледышым 15 ийуны мартэ куштан шуктышаш вэрч тыршат. Шуко түрлө пакча йемышым кенэж мучко нуно шкак ончэн кушта. Тушко вудым шавэн, урэн, тужачын шукым арыктэн шогаш тунгалыт. Шыжым тиде йемышым шкак погэн налыт.

Кенэж жапыште пасушко, олыкышко, чодрашкэ-экскурсий денэ лэктят. Тыште нуно түрлө кушкылым, паледыш-влакым погэн, думын ыштымэ прэссеш нунум шыжэ дэн талэ жаплан коштан йамдылат. Тиде экскурсий жапыште самырык натуралист кружокын живой уголокшылан нуно жавам, шын-шалым, шоншым, кол-влакым жучэн йамдылат.

Пуш дэнэ „Таир“ лагерыш

Республикысе йоча тэхник станца палэн ОСВОД кружок уло. Тудат кенэж жапыште Йошкар-Ола гыч „Таир“ лагэрыш кайаплан маршрутым ыштэн. Маршрут 15 йэнлан 10 кэчэ маркэ кошташ ыштымэ. Нуно „Таир“ лагэр почылтмо жапыште Изи-Какшан вуд денэ кайат. Тиде экскурсийыште VII дэн VIII-шэ класслаште тунэмшэ-влак гына лийыт. Рвэзэ-влак денэ пырля тунектышо-биолог, массовик, командир лийш. Рвэзэ-влак пүртүсышто мом ужмыштым, мом колмыштым шымлымэ шот денэ шке блок-нотышкышт сэрят. Маршрут сай ыштымэ: кушагын кочкаш, малаш чарнаш, кужачын кушко, кунар километр, палэн мом-мом налаш, кочкаш-йуаш мо күлэш—чыла ончыктымо.

Р. Шайдулин.

Чыланат газзтан лийына

Мэ Элнэтүр тунгалтыш школышто (Звенига район) тунэмшэ-влак кенэж каникул жаплан чылан «Иамдэ лий» газзтан подпискым ыштышна.

П. Пистёрский.

3-шо могыр „Иамдэ лий“.



Кужэнэр палэ-кыдалаш школын отличникшэ-влак (школа гыч пурлашкэ): Скулкина Лиза, Смоленцева Шура, Охотников Георгий дэн Бирьуков Гурья.
Фото М. Ф. Рыбаковын.

Тунэмаш куш кайаш лийэш

Тунэмаш ий мучашым шуэш. Шымшэ классым пытарышэ-влак кокла гыч йужышт кыдалаш школын 8-шэ классышкыжэ пураш шонат, йужышт тэхнический да моло кыдалаш учэбнэ заводёнылаш тунэмаш кайнэшт.

Мамнан республикыште 7 пэдучилищэ (Кузнэцовышто, Торйалыште, Шэрнурышто, Бильямариште, Моркышто, Чыкмашэ, Параньгаште уло. Пэдучилищэ-влак тунгалтыш школан тунектышо-влакым йамдылат.

Йошкар-Олаште улшо фэльдшэр-акушэр школ фэльдшэр, акушэркэ-влакым йамдыла. Фэльдшэр-влакым йамдылымэ отдалёныште кумий, а акушэркэ дэн сестра-влакым йамдылымэ отдалёнылаште кумий тунэмман.

Республикыштына кок йал озанлык тэхникум уло: Нарта-сыште да Чыкмашэ. Йал-озанлык тэхникум-влак агрономым, зоотэхникым йамдылат. Йал озанлык тэхникумлаште ныл ий тунэмман.

Мэ экскурсийыш мийышна

Физикым тунэмаш шот денэ 9 майыште мэ „Красный Золгарь“ заводшэ экскурсий денэ мийышна. Тиде заводын механический, литейный, слесарнэ цехлажым, туштак электростанцым, онга шалмэ машинын кузэ пашам ыштымыжым ончышна. Мамнам физикэ денэ тунектышо Крылов Пётр Павлович дэн пырля тусо пашазэ-влак мыланна заводысо паровой котёлын, манометрын, амперметр, вольтметр, рэостатын, трансформаторын приборышт-влак нэргэн раш умылтарышт. Тыгэ экскурсийыш мийэн, заводысо машин-влакын пашам кузэ ыштымыштым мэ ужна, тугак ты экскурсий физикым тунэмаш шотышто мамнан шинчымашнам пэнтыдэмдаш кугун подшыш.

Самуилов Йыван,

Звенига район, Краснояр ПКС.

Сэнгышэ-влак шочмо элышкышт пёртылыныт

16 майыште Москошко Брусаль олаште тунэмбал конкурсышто сэнгышэ самырык совет скрипач-влак пёртылыныт. Чылажэ нуно визытын мийэныт: Давид Ойстрах, Лиза Гилельс, Буся Гольдштейн, Марина Козолупова да Миша Фихтэнгольц.

Нуно эшэ чыланат самырык улыт. Буся Гольдштейн улыжат 15 ийаш пионёр. Брусальысе конкурс дэч вара нуно тылзат палэ угла Йэвропысо рудб ола-влакыште (ужмб почэш) шке усталыкыштым ончыктэн коштыныт. Чыла вэрэ-ат нунум шокшын ваш лийыныт, мастарлыкыштан кёра ёрыныт, моктэныт.

Брусальыште эртышэ конкурсышко түрлө элла гыч эн талэ скрипач-влак погыненыт ыльэ. 58 йэн гыч 5 самырык совет скрипач-влак эн ончыл-вэрыш лэктыныт.

16 майыште сэнгышэ-влакым Моско куанэн ваш лийэ. Шочмо элышкышт нунат йёратэн толыныт.

Буся Гольдштейн, Марина Козолупова да Миша Фихтэнгольц „Пионерская Правда“ газетэш Совет йоча-влаклан тыгэ возэныт:

„Кызыт мамнан кугу кумылна иктэ—ончыкыжат чот тунэмын, у сэнгымашна дэн Сталин йолташлан, коммунист партийлан, правительствылан да совет калыклан тэвэ мом ончыктэна: АРАМ ОГЫЛ МЭМНАМ ЙӨРАТЭН ОНЧЭН КУШТАТ УЛМАШ“.



Вэра Кирилова—Моско консерваторий палэнсэ музык школышто ройаль класс тунэмаштэ ик уста ученица. Куд ийаш Вэра шкак изи музык пьесым возэн. Тудлан кызыт 8 ий тэмын.

Сүрэтыште: Вэра Кирилова ышке пёртыштыжэ возымо пийэс-жым ышке изажэ—Володьялан ончыкта.
Союзфото.

Испанийыштэ у правитэльдэ

Правитэльдэм вуйлаташ Хуан Нэгриным шогалтымэ

Шукэрта огыл Испан правитэльдэ вуйлатышэ Ларго Кабальеро отставкаш лектын. Испан республик президент Асанья Ларго Кабальероланак у правитэльдэм погаш шуден ыльэ.

Тиде кэчылаштэ отставкаш лекшэ испан правитэльдэ вуйлатышэ Ларго Кабальеро у правитэльдэм погаш отказатлен. Испан республик президент Асанья 17 майыштэ социалист партий член, мадрид мэдвцин факультет профессор, Кабальеро правитэльдэ вуйлатышэ финансе министр постышто шогышо Хуан Нэгринлан у правитэльдэм погаш куштэн. Политик партий да антифашист калык фронт организацэ вуйлатышэ - шамыч дэнэ мутланен налмэк, Нэгрин 17 май каслан у правитэльдэм организоватлен.

У правитэльдэ вуйлатышэ ожнысо 18 министр олмэш 9 министрм кодымо. 8 министржэ Кабальеро правитэльдэ вуйлатышэ участвоватлен. Правитэльдэ вуйлатышэ 3 социалист, 2 коммунист, „Республикан шолэ“ партий гыч ик представитель, Каталонийсе „шолэ Каталон“ партий гыч ик представитель, „республиканский союз“ партий гыч ик представитель, да баск националист кокла гыч ик представитель пурталтын. Профсоюз организацэ гыч (путьны пашазэ ушэм дэн анархо-синдикалист национальнэ паша конфедераци) правитэльдэ составыш огыл пурталт.

Правитэльдэ вуйлатышэ Нэгринат тугакак финансе дэн калык озанлык министрлан шогэ. Социалист партийн ик вождышэ Првэто (ожнысо правитэльдэ вуйлатышэ флот дэн авиацэ министр) обороно министрствэм вуйлата. Коммунист Эрнандес (ожнысо правитэльдэ вуйлатышэ просвещенье министр) просвещенье дэн калык тазалык аралым министр постым налын. Коммунист—Урибе ожнысо правитэльдэ вуйлатышэ сэмьнак мландэ паша министрствэм кодын.

Испан компартий правитэльдэ вуйлатышэ угыч организоватлымаш шотышто коммунист-шамычнэ позицияш калыклан умландарен пумо манифестым увэртарен. Манифест тыгэ палэмда: калык фронт правитэльдэ граждан сарыште пэш вашкэ сэнгымашкэ лекшамлан пашам шкэ программжэ почэш да коллективнэ вуйлатышэ йбн дэнэ ыштышаш.

И. П. МАЙОРОВ—ШКЭТАН



ЧЭВЭРЫН, ЙАКОВ ПАВЛОВИЧ!

Шамэр марийн йоратымэ писатэльжэ - Йаков Павлович Майоров-Шкэтан укэ лийэ, Шкэтан йолташ умыр лугыч колымш. Нэлэ йомдарымаш. Тудо альэ марий шамэрлан йа тыр сылнэ произведэным пуэн кертэп ыльэ.

Шкэтан „Рвэзэ коммунист“ дэн „Иамдэ лий“ газет-влакын лишыш йолташыжэ лийын шоген. Тудын фальшэтон, ойлымаш - влакшым („Иакшывай“, „Чевэрын, интэр“ да молат) рвэзэ-влак йоратэн лудыныт.

„Рвэзэ коммунист“ дэн „Иамдэ лий“ редакце-влак коллектив шкэнжын йункоржо-влак дэнэ пырля нэлэ ойганымашым каласа.

Чевэрын, пагалымэ Йаков Павлович.

„Рвэзэ коммунист“ дэн „Иамдэ лий“ редакце коллектив.

Шкэтаным Оршанкэ сзлаш тойымо

18 майыштэ Оршанкэ площадэш Марий писатэль Йаков Павлович Майоров-Шкэтаным тойымо.

МАССР Исполком Шкэтан тойымо чыла расхөдым шкэ умбакыжэ налын, Шкэтаным йэшылан полышым ыштэн—500 тэнтэ оксам пуэн.

Шкэтаным литератур архившым Марий совет писатэль ушамыш пумо.

Марий писатэль М. ШКЭТАН колэн

16 майыштэ кастэна 17 часат 30 минутышто шодо ангин чэр дэнэ марий писатэль

Иаков Павлович Майоров-ШКЭТАН.

Йолташ колэн.

Марий АССР Исполнительнэ Комитет марий писатэль

Иаков Павлович Майоров-ШКЭТАНЫН

кучык жап чэрлэ киймэк, 16 майыштэ Оршанкэ больницэш жап шудэ колымжэ нэргэн ойгырымжым каласа.

Марий Совет Писатэль Ушэм пагалымэ, уста марий писатэль

Иаков Павлович Майоров-ШКЭТАН

Йолташым Оршанкэ больницыштэ чэрлэ киймэк, 16 майыштэ 17 часат 30 минутышто жап шудэ колымжэ нэргэн кугу ойго дэнэ увэртара.

ШКЭТАН

Оршанкэ вэлым ик кастэна
Шум кочшо ойго йыр шарлен:
„Вий патыр годым шуч чэр дэвэ
Чон инженер Шкэтан колэн...“

Нумалын йатыр тыйын ваче,
Сенгэн оргажым лектынат.
Тылат илаш, илаш вэт тача...
А тый малэнак колтэнат...

Могань жалкэ, Йаков Павлыч!
Айар гай ойго кочо пэш...
Мочол пашам тыршен нумалыч...
А чэржэ садак кэржалтэш...

Мортаншэ купым, ир оргажым
Сенгэн волгалтэ Эрэнгэр.
Какшан воктэн кушкэш олажэ,
Турбинным пёрдыкта энгэр.

Умэн шочэш колхозын Шурно,
Завод лүшка, пелэдын эл.
Муралза сылнэ илыш мурым!
А тый малэт, йолташ-шумбэл...

Эсэн лий илыш, пу кидэтым!
Колмашым тувыт сэнгана.
Адак куат чымалтын лектын
Коммуно суртым чонгана!

Казаков Миклай.

16 шо май.

Республикыштэ

Физкультур сөрэвнованьэ

Ильпанур пелэ кыдалаш школ дэн Парэнтэ педучилищэ физкультур команда-влакын (Парэнтэ район) 12-шо майыштэ волейбол, баскетбол да футбол дэнэ учашымашышт лийэ. Тыштэ Ильпанур командэ волейбол, баскетбол дэнэ 2:0 шот дэнэ сэнгыш. Футбол дэнэ иктыжат ышт сэнгэ, модыш 0:0 шот дэнэ пытыш.

Соловйова.

Журнал лэктэ

Мамнан школ пелэнсэ пионер отрядын Хозэ Диас луман звэнажэ май тылзыштэ „Ужара“ луман сылнэ мутан, сурэтан журналым лукто. Журналым пионер-влак йоратэн лудыт.

Загайнов Васлий.

Кужмарий ПКШ, Ронго район.

Врид отв., редактора—
К. А. ЛЭНСКИЙ.

ТОШТО стабильнэ учэбникым УЖАЛЫЗА


Школьник-шамыч,

Тэ шкэ школыштыда вэс
классыш кусэн улыда.

Тэндан тошто, кучылтмо
учэбникда кодын, тудо
главда ындэ огэш кыл, но
тэндан изирак ийготан йол-
ташда шамычлан кылэш.

Тиде учэбникым КОГИЗ
магазин дэн киоскылашкэ
ужалыза!

ШАРНЫЗА! КОГИЗ-ын чыла мага-
зинжэ дэн киоскылашкэ
шамыч тошто стабильнэ учэбникым на-
лыт.



Тений 1-шэ ийуны гыч Йул—Моско канал дэнэ шуко тужам дэнэ калык кошташ тунгалаш. Йул вуд гыч вигак Моско олаш пароход дэнэ кайаш лийэш. Тиде канал дэнэ кугу теплоход, ватер-влак йонгым коштыкташ тунгалыт да буксир пароход дэн барж-влак грузым шушыкташ тунгалыт. Сурэтыштэ: Йул—Моско канал.